

Tîm Caerffili

Yn Well gyda'n Gilydd

Canllaw cyflym i'n Cynllun Corfforaethol
2023-2028



Mae'r Cynllun Corfforaethol hwn yn nodi ein cyfeiriad, ein blaenoriaethau a'n hamcanion ar gyfer y pum mlynedd nesaf. Mae'r amcanion llesiant newydd yn ein helpu i lunio gwasanaethau, targedu ein hadnoddau a blaenoriaethu ein hymdrechion wrth i ni barhau i ddarparu'r gwasanaethau sydd eu hangen ar ein cymunedau.

Os ydym am gyflawni'r amcanion allweddol a nodir yn y ddogfen hon yn llwyddiannus, wrth weithredu o fewn y dirwedd heriol hon, mae'n amlwg bod angen i ni ailfeddwl ac ail-lunio'r hyn a wnawn a sut yr ydym yn ei wneud.



Y Cyngorydd Sean Morgan
Arweinydd y Cyngor

Yn yr un modd â sefydliadau gwasanaethau cyhoeddus eraill ledled Cymru, rydym yn parhau i wynebu heriau ariannol sylweddol, ond rydym yn dal i fod yn ymrwymedig i ddarparu gwasanaethau cynaliadwy sy'n diwallu anghenion ein cymunedau nawr ac yn y dyfodol.

Gwyddom fod yn rhaid i ni addasu i gwrdd â'r heriau sy'n ein hwynebu, gan ganolbwyntio ar hyblygrwydd a dod o hyd i wahanol ffyrdd o gyflawni'r hyn sydd ei angen ar ein cymunedau, pan fydd ei angen arnynt.

Drwy gydweithio, gallwn greu dyfodol gwell i'n holl drigolion.




Christina Harrhy
Prif Weithredwr

Byddwn yn cyflawni hyn drwy gyflenwi'r rhaglen newid fwyaf y mae'r Cyngor hwn erioed wedi'i hwynebu. Rhaglen drawsnewid heriol, gymhleth ond hynod gyffrous o'r enw 'Mobilising Team Caerphilly' ac mae'r dull arloesol hwn bellach yn cyflymu ar draws y sefydliad wrth i ni ddechrau gweld cynnydd cadarnhaol yn cael ei wneud.

Nid yw hyn yn mynd i fod yn hawdd, ond dyma'r peth iawn i'w wneud oherwydd dyna yw haeddiant ein cymunedau.



YCHYDIG AMDANOM NI...



Ein Hamcanion Llesiant 2023-2028



GALLUOGI EIN PLANT I LWYDDO MEWN ADDYSG



GALLUOGI EIN TRIGOLION I FFYNNU



GALLUOGI EIN CYMUNEDAU I FFYNNU



GALLUOGI EIN HECONOMI I DYFU



GALLUOGI EIN HAMGYLCHEDD I FOD YN WYRDDACH



Amcan 1

Galluogi ein plant i lwyddo mewn addysg.

Byddwn wedi adeiladu arweinyddiaeth effeithiol i gynnal ein dyhead i bob dysgwr gyflawni safonau uchel a gwneud cynnydd cryf ar eu taith addysgol.

Bydd gennym ddarpariaeth ddiogel a chynhwysol a fydd yn cefnogi cynnydd dysgwyr bregus a difreintiedig

Bydd gennym well sgiliau llythrennedd (Cymraeg a Saesneg), rhifedd, digidol, corfforol a sgiliau ehangach i roi gwell cyfleoedd bywyd i'n dysgwyr.

Bydd dysgwyr wedi cael cymorth effeithiol i sicrhau bod cyrchfannau ôl-16 yn briodol ac yn gynaliadwy.

Byddwn wedi adeiladu ysgolion a lleoliadau newydd ac wedi'u hadnewyddu, gan greu amgylcheddau dysgu sy'n ennyn diddordeb ac yn ysbrydoli.



Amcan 2

Galluogi ein trigolion i ffynnu.

Byddwn wedi ymateb i'n demograffeg sy'n heneiddio gan gynnwys creu cymunedau oed-gyfeillgar.

Byddwn wedi cwrdd ag anghenion ein plant a'n hoedolion mwyaf bregus.

Byddwn wedi galluogi'r Sector Cymunedol a Gwirfoddol i gefnogi ein trigolion.

Byddwn wedi cefnogi trigolion drwy'r argyfwng costau byw.

Byddwn wedi adeiladu tai Cyngor newydd, darparu mwy o dai fforddiadwy, dod ag eiddo gwag yn ôl i ddefnydd a gweithio tuag at atal digartrefedd.



Amcan 3

Galluogi ein cymunedau i ffynnu.

Bydd ein seilwaith ffisegol a chysylltedd digidol wedi gwella i helpu pobl i gael mynediad i drefi, cymunedau a gwasanaethau.

Byddwn wedi gweithio gyda phartneriaid i wella mynediad at ddulliau trafnidiaeth gyhoeddus a dulliau eraill o drafnidiaeth i gadw trefi yn gysylltiedig a gwella cyfleoedd teithio llesol rhwng cymunedau between communities.

Byddwn yn gweithio gyda phartneriaid ar draws y Bwrdd Gwasanaethau Cyhoeddus i wella llesiant a disgwyliad oes iach ein cymunedau.

Byddwn wedi creu amodau sy'n galluogi ein cymunedau i fod yn iachach ac yn fwy egniol.

Bydd gennym fannau agored deniadol sy'n gwella ansawdd bywyd.



Amcan 4

Galluogi ein heconomi i dyfu.

Byddwn wedi gweithio tuag at sicrhau bod gennym y seilwaith angenrheidiol yn ei le i alluogi ein heconomi a'n cymunedau i dyfu.

Byddwn wedi gweithio mewn partneriaeth i gefnogi busnesau gydag ystod o ymyriadau gyda'r nod o ysgogi'r economi leol.

Bydd gennym berthynas gryfach gyda'n Cymuned Fusnes trwy adfywio canol trefi.

Byddwn yn parhau i weithio gyda Phrifddinas-Ranbarth Caerdydd (CCR) i gynyddu argaeledd cyfleoedd cyflogaeth o safon yn yr ardal a gwella ein heconomi.

Bydd gan ein gweithlu lleol y sgiliau sydd eu hangen ar gyflogwyr yn lleol ac yn rhanbarthol.



Amcan 5

Galluogi ein hamgylchedd i fod yn wyrddach.

Byddwn wedi gweithio gyda'n trigolion i gyrraedd ein targedau statudol mewn perthynas â lleihau gwastraff, ailddefnyddio ac ailgylchu.

Byddwn wedi lleihau ein hallyriadau carbon gweithredol i ddod yn awdurdod lleol di-garbon net erbyn 2030.

Byddwn wedi helpu ein cymunedau i drosglwyddo i drafnidiaeth carbon isel.

Byddwn wedi hyrwyddo ac archwilio cyfleoedd ynni gwyrdd i'r cyngor, cymunedau a busnesau.

Byddwn wedi gwarchod a gwella ein hamgylchedd naturiol i wella bioamrywiaeth a'n gwneud yn fwy gwydn i newid hinsawdd.

Byddwn wedi gosod safonau hinsawdd ar gyfer Tai Cyngor sy'n cael eu hadeiladu o'r newydd ac wedi gweithio i wella rhinweddau ynni gwyrdd ac effeithlonrwydd ynni ein stoc tai.

SUT BYDDWN YN CYFLENWI EIN HAMCANION LLESIANT?

Mae gan y Cyngor cyfan, ein harweinwyr gwleidyddol, ein Tîm Rheoli Corfforaethol, a'n gweithwyr, gyfrifoldeb i gyflwyno'r Amcanion Llesiant ac i weithio tuag at y datganiadau canlyniad ar ran y fwrdeistref sirol.

Datblygwyd ein Hamcanion Llesiant o dan arweiniad y weinyddiaeth wleidyddol; maent yn torri ar draws y Cyngor cyfan, a chyfrifoldeb y Tîm Rheoli Corfforaethol yw eu cyflenwi.

Er eu bod yn cael eu diffinio fel set o Amcanion sy'n wynebu tuag allan, mae eu cyflenwi ynghyd â'r mecanweithiau i'w cyflawni wedi'u gwreiddio'n gadarn yn narpariaeth gwasanaethau'r Cyngor o ddydd i ddydd.



Ail-ffurfio'r Cyngor i gwrdd â'r Her

Fe wnaethom gychwyn ar ein taith i drawsnewid y Cyngor a sefydlu ethos *Tîm Caerffili - gwell gyda'n gilydd* yn 2020. Mae hyn wedi rhoi sylfaen gadarn i ni adeiladu ein rhaglen trawsnewid sefydliad cyfan. Dros yr ychydig flynyddoedd nesaf, byddwn yn ail-ffurfio ac ailffocysu sut rydym yn gweithredu fel cyngor a sut rydym yn darparu gwasanaethau, gan gadw ein ffocws gydol yr amser ar ddiwallu anghenion ein dinasyddion. Bydd ein hymdrechion uniongyrchol yn canolbwyntio ar:

- Gwella taith ein cwsmeriaid
- Trawsnewid ein ffyrdd mewnol o weithio i sicrhau arbedion effeithlonrwydd
- Cydweithio gyda'n partneriaid i ddod yn fwy effeithiol
- Sicrhau y gallwn addasu i newidiadau a symud ein gwasanaethau i ffyrdd newydd o weithio yn gyflym
- Sicrhau bod ein hysgolion, tai cymdeithasol, safleoedd hamdden a gofal cymdeithasol yn addas ar gyfer y dyfodol
- Parhau i ddatblygu ein seilwaith ffisegol i adfywio'r fwrdeistref sirol

SUT BYDDWN YN MONITRO EIN CYNNYDD?


Byddwn yn adolygu ein Cynllun Corfforaethol bob blwyddyn i sicrhau bod ein Hamcanion Llesiant yn dal yn berthnasol a byddwn yn sicrhau y bydd ein cynllun wedi'i ddiweddarau ar gael ar ein gwefan.

Byddwn yn adrodd ar ein perfformiad yn erbyn yr Amcanion Llesiant fel rhan o'n proses hunanasesu blynyddol statudol a ddangosir isod.

Mae'r broses hon yn dod â gweithgaredd mewnol y Cyngor ynghyd â chyflenwad allanol ein Hamcanion Llesiant fel set o ddysgu sefydliadol sy'n asesu a yw ein gwaith allanol yn gwneud gwahaniaeth cadarnhaol i'n cymunedau. Trwy'r broses flynyddol hon, mae ein haelodau etholedig yn cael y cyfle i herio ein cynnydd a'n mewnbnw i weithgarwch yn y dyfodol.



Proses hunanasesu



SUT I GYSYLLTU Â NI...

Mae eich safbwyntiau a'ch barn mewn perthynas â chynnwys ein hadroddiadau, ein cynlluniau a'n blaenoriaethau yn bwysig i ni. Rydym yn croesawu eich mewnbwn gweithredol i ganiatáu i ni ddefnyddio gwybodaeth a data ystyrion i roi gwybod i ni pa wasanaethau a sut rydym yn eu darparu i sicrhau ein bod yn diwallu anghenion ein trigolion a'n cymunedau.

Rydym ni'n edrych ymlaen at roi'r wybodaeth ddiweddaraf i chi am ein cynnydd drwy ein diweddariad hunanasesu blynyddol bob blwyddyn. Os hoffech chi gael rhagor o wybodaeth neu os oes gennych chi awgrymiadau am y math o ddiweddariad yr hoffech chi ei gael, rhwch wybod i ni. Cliciwch ar glawr y Cynllun Corfforaethol isod i ddarllen y cynllun llawn.



Anfonwch e-bost aton ni...

TimGwellaBusnes@caerffili.gov.uk



neu drwy dudalen we Perfformiad y Cyngor a dilynwch y cyfarwyddiadau ar y sgrin.

Fel arall, cysylltwch â Ros Roberts
Rheolwr Gwella Busnes
Cyngor Bwrdeistref Sirol Caerffili
Tŷ Penallta
Ystrad Mynach
Hengoed
CF82 7PG

📞 01443 864238

✉️ roberr@caerffili.gov.uk

Gallwch hefyd gysylltu â ni trwy gyfryngau cymdeithasol.





This document is available in English, and in other languages and formats on request.
Mae'r ddogfen hon ar gael yn Saesneg, ac mewn ieithoedd a fformatau eraill ar gais.